

List of Signatures

Page 1/1



20220330 - Sak 35 Vedlegg Signert Årsmelding_2021.pdf

Name	Method	Signed at
Gloppestad, Leidulf	BANKID_MOBILE	2022-04-11 18:35 GMT+02
Haugen, Bjørn Aage	BANKID_MOBILE	2022-04-11 16:30 GMT+02
Strand, Vegard Tore	BANKID	2022-04-11 16:12 GMT+02
Haugen, Lise Mari	BANKID_MOBILE	2022-04-11 15:53 GMT+02
Klakegg, Hallvard	BANKID_MOBILE	2022-04-11 15:47 GMT+02
Madsen, Tore Jakob	BANKID	2022-04-12 09:10 GMT+02



This file is sealed with a digital signature. The seal is a guarantee for the authenticity of the document.

External reference: D29B977E1B9C444191B33C9AA38A2254



sparebankstiftinga
sogn og fjordane

Gåve



sparebanken
sogn og fjordane

TIL
JØLSTER KFUK-KFUM SPEIDARAR

BELØP

kr. 100.000,-

Årsmelding

2021



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Innhald

- 3 Om Sparebankstiftinga Sogn og Fjordane
- 4 Våre gåvetildelingar
- 13 Årsmelding frå styret 2021
- 15 Aktivitetsbasert rekneskap
- 16 Aktivitetsbasert balanse
- 17 Kontantstraumoppstilling
- 18 Notar til rekneskapen
- 28 Revisjonsmelding
- 30 Sparebankstiftinga sine styrande organ
- 31 Styring og kontroll med stiftinga si verksemd
- 32 Opplysningar om Sparebankstiftinga Sogn og Fjordane

Vi skapar mangfald, trivsel
og utvikling

www.sparebankstiftinga.no



FRAMSIDEFOTO: Glade speidarar. Jølster KFUK-KFUM fekk 100 000 kroner i gåver til utbygging av ny speidarplass.
Foto: Sparebanken Sogn og Fjordane

GRAFISK UTFORMING: Sparebanken Sogn og Fjordane • E. Natvik Prenteverk AS



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Om Sparebankstiftinga Sogn og Fjordane

Sparebankstiftinga Sogn og Fjordane vart etablert i 2010 og er hovudeigar av Sparebanken Sogn og Fjordane. Stiftinga eig 93,57 % av eigenkapitalbevisa i banken. Sparebankstiftinga Sogn og Fjordane skal å stå for eit langsiktig og stabilt eigarskap av banken, utøve forsvarleg kapitalforvaltning og dele ut gåver til samfunnsnyttige tiltak. Sparebankstiftinga Sogn og Fjordane er den 5. største sparebankstiftinga i landet, målt i bokført forvaltningskapital.

Sparebankane har med si snart 200 års historie hatt ei sentral rolle i utviklinga av lokalsamfunna i Norge. Formålet med sparebankane var frå starten av at dei skulle vere hjelp til sjølvhjelp for folk med små inntekter, og bidra til økonomisk sjølvstende og tryggleik for den enkelte. Sparebanken Sogn og Fjordane har røter heilt tilbake til 1842, då Førde Sparebank blei etablert. Gjennom samanslåing av 25 sparebankar er Sparebanken Sogn og Fjordane i dag den 9. største sparebanken i landet. Banken er ikkje børsnotert.

Hovudformål

Sparebankstiftinga Sogn og Fjordane har i sine vedtekter definert følgjande hovudformål:

- Stiftinga sitt formål er å forvalte eigenkapitalbevis som stiftinga vart tilført ved skipinga, stå for eit langsiktig og stabilt eigarskap i Sparbanken Sogn og Fjordane og vidareføre sparebanktradisjonane.
- Stiftinga sitt formål skal vidare vere å gi gåver til allmennyttige formål. Ved sine disposisjonar skal stiftinga først og fremst ta omsyn til distriktet som har bygd opp kapitalen til Sparebanken Sogn og Fjordane.
- Stiftinga skal i tillegg forvalte midlane på ein formålstenleg måte ut i frå omsynet til tryggleik, risikospreiing, likviditet og avkastning.


Visjon og verdiar

- **Visjon** Drivkraft for Sogn og Fjordane.
- **Verdigrunnlag** Mangfald, trivsel og utvikling.
- **Langsiktig** Vi skal forvalte sparebankarven - *i dag og i all framtid*. Vi skal sette av til reservar som sikrar den langsiktige eigarskapen til banken og kontinuitet i gåvetildeling.
- **Uavhengig** Gåvesøkjarar, forretningspartnarar, myndigheiter og ålmenta generelt må til ei kvar tid ha tillit til vår profesjonalitet og integritet.




Våre gåvetildelingar

Arbeidet med gåvetildelingane er hovudaktiviteten i den daglege drifta av stiftinga. Sparebankstiftinga sitt mål er at gåvetildelingane skal gjere Sogn og Fjordane til ein betre plass å vere, gjennom å fremje verdiar som **mangfald**, **trivsel** og **utvikling**. Sidan starten i 2011 har Sparebankstiftinga bidrege med 213 millionar kroner til samfunnsnyttige tiltak. Dei årlege gåvetildelingane har auka betydeleg sidan oppstarten, slik grafen nedanfor illustrerer:



Sparebankstiftinga sin formålsparagraf slår fast at midlane i hovudsak skal delast ut i området verdiane er skapt historisk. Den geografiske fordelinga av midlane samsvarer difor i grove trekk med banken sine marknadsområde.

Den geografiske fordelinga av midlane i 2021 ser slik ut:





Tal søknadar og gåvetildelingar fordelt på kommunar i 2021.



Tal søknadar som stiftinga mottok har variert betydeleg frå år til år, frå om lag 600 til i overkant av 1100 søknadar. På den eine sida har god omdømebygging av stiftinga sitt gâvearbeid og auka gâvebudsjett, medverka til fleire søknadar. På andre sida har stiftinga sin utstrekke dialog med lag og organisasjonar ført til at ein har samla fleire parallelle søknadar til felles prosjekt, og dermed bidrege til å redusere tal søknadar. Covid19 har òg påverka tal søknadar negativt dei to siste åra.

Dei siste åra har tal søknadar stabilisert seg på 700–800 søknadar. I 2021 var dette i underkant av normalt, og stiftinga mottok 629 søknadar. Av desse vart 290 søknadar innvilga gâve, noko som gir ein tildelingsprosent på 46 %. Dette er over 10 prosentpoeng høgare utdelingsgrad enn året før. Sparebankstiftinga tildelte altså gâver til høvesvis fleire av dei som søkte i 2021. Sidan det òg var færre enn normalt som søkte om midlar, vart det berre ein beskjeden auke i samla gâveutdeling.



2021 – nok eit unntaksår

Enda ein gong har vi lagt bak oss eit spesielt år for Sogn og Fjordane. Korona-pandemien og tiltaka mot smittespreiing fekk omfattande konsekvensar også i 2021. Konsekvensane påverka òg oss i stiftinga, som såg ein tydeleg nedgang i søknadstala som følgje av lågare aktivitet i frivillig sektor. Dette har stiftinga prøvd å kompensere for, både ved å innvilge ein større prosent av søknadane og ved å setje i gong ulike tiltak på eigen kjøp som kunne bidra til å bøte på effektane av pandemien; og gjere gjenreisninga av tilbod og aktivitet etter pandemien lettare for organisasjonslivet.

Utanforskap

Stengte treningsanlegg, eit redusert fritidstilbod og isolasjon har råka hardast mellom dei som hadde dårlegast utgangspunkt. Stiftinga har difor hatt særleg fokus på tiltak som kan verke inntektsutjamnande, som utstyrsutlån (sjå nedanfor), betre psykisk helse og hindre utanforskap. Dette er eit fokus stiftinga også vil ha med seg i åra framover.

BUA/utstyrsutlån

Prosjekt som legg til rette for gratis utlån av aktivitetsutstyr har mange gode sider: Det er inntektsutjamnande, ved at det gir vanskelegstilte familiar tilgang til utstyr og aktivitetar dei elles ikkje hadde prioritert; det er miljøvenleg, ved at det erstattar behovet for individuelle utstyrskjøp; og det utløyser mange nye aktivitetstimar gjennom at det inviterer til at ein får høve til å prøve ut nye aktivitetar og idrettar. Difor ga Sparebankstiftinga alle kommunar i Sogn og Fjordane, som hadde ei slik ordning (eller ville etablere dette), ei gåve på 100 000 kroner kvar, slik at ein kunne kjøpe inn meir utstyr. Alle kommunane takka ja til dette, slik at ein no kan låne aktivitetsutstyr gratis der ein bur.

*Frå overrekkinga av gåva til BUA i Høyanger.
(Foto: BUA Høyanger)*



Huset i Bygda

Sogn og Fjordane sine mange lagseigde kulturhus er svært viktige for lagslivet og arrangementstilbodet i regionen. Difor har Sparebankstiftinga i fleire år hatt eit samarbeid med organisasjonen Huset i Bygda, som har til oppgåve å hjelpe lagseigde kulturhus med å ta vare på og utvikle lagshusa. Dei har i fleire år fått ei gåve som dei kan fordele mellom lagshusa, då vi meiner det er dei som sitt nærast feltet som har best føresetnadar for å dele ut midlane på ein mest formålstenleg måte. I tillegg styrkar det organisasjonen å ha kompetanse til å forvalte midlar sjølve.



Huset i Bygda har gjort ein framifrå jobb med dette over tid, men når vi såg at behovet for midlar var stort og aukande, bestemte vi oss for å meir enn doble gåva til Huset i Bygda for det neste året, slik at vi får auka tempoet med opprustinga av lagshusa.

*Ungdomslaget har jobba målretta dei siste åra med å restaurere ungdomshuset Trudvang i Dale.
(Foto: Ida Sæderstrøm)*





Tidtakarutstyr

Sparebankstiftinga får naturleg nok ein del søknadar frå idrettslag om tidtakarutstyr, som jo er naudsynt utstyr når ein skal arrangere tevlingar og stemner. Samstundes såg vi at ein del idrettslag berre nytta tidtakarutstyret ein eller svært få gonger i løpet av eit år. Difor tenkte vi at dette utstyret ville kunne nyttast langt oftare dersom friidrettskrinsen disponerte utstyret og lånte det ut til idrettslaga etter behov. I tillegg vil ein då kunne bygge betre rutinar kring opplæring og vedlikehald av utstyret, samt at det kunne initiere eit samarbeid med til dømes skikrinsen for å nytte utstyret også gjennom vintersesongen. Difor ga vi friidrettskrinsen ei gåve på 500 000 kroner til innkjøp av fleire tidtakaranlegg som idrettslaga kan låne etter behov.

Idrettslag i Sogn og Fjordane får no tilgang til og opplæring i eit slikt tidtakarutstyr. (Foto: Sogn og Fjordane Friidrettskrins)

Næringsklynge for plast og kompositt på Sandane

Det er eit stort behov for å utvikle næringslivet i Sogn og Fjordane, og få eit større mangfald av arbeidsplassar i regionen. Sparebankstiftinga gir ikkje støtte til utvikling av enkeltbedrifter, men har tradisjon om å støtte overordna næringsutvikling. Til dømes er næringsklynger ein god måte for oss å kunne gi litt av banken sitt overskot tilbake til næringslivet i regionen. Vi er òg svært nøgde med vår sentrale rolle i høve opprettinga av næringsklynge Ocean Hyway Cluster i Florø, som no jamvel har fått såkalla Arena Pro-status i Innovasjon Norge sitt klyngeprogram.

Vi var difor svært positive når plast- og kompositt-miljøet på Sandane presenterte offensive planar for å etablere ei næringsklynge for plast og kompositt der, med utgangspunkt i lokale bedrifter som Strukturplast, Brødrene Aa, Bano m.fl. Kompositt er dessutan både lettare og sterkare enn stål og betong, og kan erstatte desse materiala i svært mange samanhengar. Klynga har difor også potensiale til å bidra betydeleg i høve til miljøet og Det grønne skiftet i næringslivet.

Næringsklynga NCMT (Norwegian Circular Materials Technology) tel i dag heile 85 medlemsbedrifter, og Sandane er langt på veg etablert som «kompositt-hovudstad».



Det har vore stor utvikling på kompositt-fronten i seinare år, som opnar for både meir bruk av materialgjenvinning og stadig nye bruksområde for dette materialet. (Foto: Øystein Hermstad/Sparebank1 SMN)

Handverksysting

På tampen av 2021 fekk vi inn ein spanande søknad frå Fagskulen i Sogn og Fjordane om eit nytt studietilbod i handverksysting, som skal etablerast frå hausten. Til trass for at handverksysting er ei relativt ny næring her til lands, har norske ostar gjort det svært godt i oste-VM i fleire år, med fleire titals medaljar i alle valørar. Med Sogn og Fjordane sine lange og gode landbrukstradisjonar, er det heilt naturleg at vår region tilbyr denne utdanninga – vonleg når Fagskulen òg målet sitt om at dette blir ei landslinje for handverksysting.



Holvikejekta

Jektene var på 1800-talet sjølve grunnstammen for transport og handel langs kysten, og det er ganske utruleg at Holvikejekta er den einaste bevarte klinkbygdje jekta av dei mange hundre som gjekk langs kysten vår i si tid. Både Musea i Sogn og Fjordane, fylkeskommunen og Gloppen kommune har difor jobba i mange år for å få på plass eit bygg for å trygge Holvikejekta og formidle historia om den. Når ein i fjor var svært nær ei finansiering, mellom anna takka vere ei imponerende kronerulling mellom både bedrifter og enkeltpersonar i Nordfjord, var det ei lett avgjerd for stiftinga å hjelpe prosjektet over målstreken.



Slik ser ein føre seg at bygget til Holvikejekta vil sjå ut. (Illustrasjon: Arkitekt Ola Sendstad)

Studentjobb

Studentjobb-prosjektet er eit døme på at godt samarbeid mellom offentleg og privat sektor kan gi god utteljing for heile regionen: Vi i Sparebankstiftinga fekk ein idé om å tilby studentar ved teknologi utdanningane i Førde relevant deltidsjobb under studia, både for å auke søkjartala til studia, heve kvaliteten og styrke relasjonen mellom studentane og bedriftene i Sunnfjord, med tanke på framtidig rekruttering. Ei slik ordning ville i så fall bli den første i sitt slag i landet.

Vi etablerte dermed eit samarbeid med Høgskulen på Vestlandet og Sunnfjord Utvikling, og lanserte idéen for næringslivet i regionen. Der fekk prosjektet kjemperespons, og heile 17 Sunnfjord-bedrifter følgde opp med å tilby 34 jobbar eksklusivt for studentane innan teknologifaga. Derest sette vi i gong ein målretta digital kampanje, som førte til 2,5 millionar visningar av budskapet «studer i Førde og få relevant jobb medan du studerer». Kampanjen førte til 17,5 % auke i søkjartala til teknologi utdanningane i Førde, og vel ei dobling av talet studentar på IT-studiet. Forskings- og høgare utdanningsminister Henrik Asheim uttrykte jamvel ønskje om å rulle ut ordninga nasjonalt, når han fekk høyre om ordninga på sitt besøk i Førde i august.



Furorestipend

Furorestipendet er Sparebankstiftinga sitt personlege stipend, og går til unge mellom 15 og 30 år frå Sogn og Fjordane som utviser stort talent og målretta satsing; anten det er innan idrett, kultur eller «open klasse». Ein breitt samansett og fagsterk jury arbeider grundig med søknadane og tilrår ei prioritering til styret, som tildeler stipenda. Juryen har òg høve til å dele ut 1-2 av stipenda som «lanseringsstipend» i forkant av søknadsfristen. Dette gir høve til både å sjå an talent som «boblar i vasskorpå» i løpet av året, og auke søknadstala til stipenda gjennom den mediemerksemda Furorestipendet ofte vekkjer. Over dei siste åra har vi auka tal Furorestipend frå 6 til 9. Eit stipend er på 50.000 kroner.



*Hopptalentet Johannes Årdal fekk Furorestipend i 2021. Johannes sitt mål er å bli blant verdens beste hopparar.
Foto: Tore Storløpa Sneli*

Personlege stipend kan elles seiast å bryte med stiftinga sitt formål om å dele ut midlar til samfunnsnyttige formål, difor er også Furorestipendet vårt einaste personlege stipend. Men samstundes gir Furorestipenda ein samfunnsnyttig effekt i form av å inspirere ungdom til å satse seriøst på sitt talent; og gjer det voneleg litt lettare for unge i Sogn og Fjordane å bli best innan sitt felt. Historikken til Furorestipendet indikerer at vi har treft godt på dette; av tidlegare Furore-vinnarar har det blitt både verdsmeistarar, europameistarar, vinnarar av Spelemannspris og ei rekkje andre utmerkingar.

Kamp om gåvekronene


Avkastninga frå stiftinga sine oppsparte midlar samt årlege utbytte frå Sparebanken Sogn og Fjordane gir stiftinga høve til å bidra vesentleg til ei positiv utvikling for Sogn og Fjordane. Samstundes må vi innsjå at i eit samfunnsperspektiv er det avgrensa midlar stiftinga rår over. Då er det viktig at stiftinga forvaltar midlane slik at dei utgjer ein reell skilnad. Difor har stiftinga gitt seg sjølv nokre avgrensingar i høve til kva stiftinga *ikkje* gir gåver til.

Samferdsle og vegbygging er døme på eit område som gir stor samfunnsnyttig effekt, men der midlane stiftinga har til rådvelde ikkje utgjer stor skilnad. Difor er dette eit område stiftinga har nedprioritert. Av same årsak har vi ikkje prioritert større bidrag til *helsevesenet*. Med bakgrunn i stiftinga sitt fokus på utvikling, er heller ikkje *kulturminnebevaring* eit prioritert område for stiftinga. *Produksjon av kunst- og kulturuttrykk* er òg ei utfordring for stiftinga: på eine sida ønskjer vi å bidra til eit mangfaldig kulturliv; på andre sida er det naturleg nok utfordrande å vurdere den samfunnsnyttige verdien av kulturuttrykk som ikkje er skapt enda. Difor har ikkje stiftinga prioritert kunstnarstipend eller annan støtte til skapande verksemd, men er open for å bidra til at fleire får oppleve kunst og kultur – også her helst via lag og organisasjonar.

Andre formål som ikkje er prioritert av stiftinga er *politiske parti eller formål, næringsforetak* med eigeninntening som mogleg konsekvens, driftsstøtte til *lukka lag, religionsutøving* og prosjekt som er *påbegynt eller fullført* før søknaden vert sendt.



Sparebankstiftinga ønskjer òg å bidra til at meir midlar vert fordelt til vår del av landet. Difor er stiftinga opp-teken av å gå inn i gode «spleiselag» saman med både andre gode krefter og offentlege støtteordningar, slik at Sogn og Fjordane får mest mogleg ut av gåvemidlane Sparebankstiftinga har til rådvelde. Dette har vi lukkast godt med, og våre forsiktede anslag syner at stiftinga sine gåveutdelingar ordinært utløyser om lag 200 millionar kroner i andre gåver/tilskot pr år.



«Spleiselaget»: Slik kan ein typisk finansieringsmodell sjå ut for eit prosjekt stiftinga bidrar til. (Bidragsytarar og storleiken på dei ulike bidraga vil variere.)

Korleis gåvene vert tildelt

Størstedelen av stiftinga sine midlar vert delt ut etter søknad. Alle søknadar vert registrert elektronisk på www.sparebankstiftinga.no for å sikre ei profesjonell og kostnadseffektiv handsaming.

Stiftinga har to søknadsfristar i året: 1. mars og 1. september. Handsamingstida er 8 veker. I tillegg er det råd å søkje om «litt midlar raskt» gjennom «forenkla søknad». Her kan ein søkje om inntil 30.000 kroner når som helst, og få svar i løpet av ein måned.

Alle søknadar til stiftinga vert handsama fortruleg. Avslag vert ikkje annonsert, men alle tildelingar vert publisert i våre gåveoversikter (detaljerte gåvelister i rekneskapsnote nedanfor, samt på www.sparebankstiftinga.no).

For å sikre ei kompetent og upartisk handsaming, spør stiftinga gåvenemnder utnemnt av banken om råd, medan avgjerd i alle saker vert fatta av styret i Sparebankstiftinga. Styret vert valt av Generalforsamlinga, som igjen vert valt av og blant banken sine innskotskundar.

Miljø og Berekraft

Stiftinga har vedtatt ein berekraftstrategi og har i dette arbeidet tatt utgangspunkt i FN's berekraftsmål. Måla der Stiftinga kan ha størst påverking har prioritet. Stiftinga har i strategiperioden valgt å konsentrere seg om følgjande berekraftsmål:



Berekraftsmåla er viktige når gåvesøknader blir vurderte og når Stiftinga sjølv tek initiativ til gåveprosjekt. Døme på dette er støtte til utstyrsentralar/BUA og grønt arrangement.



Sparebankstiftinga Sogn og Fjordane vart i 2020 godkjent som Miljøfyrtårn. Stiftinga har òg vedteke ein berekraftsstrategi som fordrar at Stiftinga opprettheld og aukar si sterke satsing på miljø og berekraft i mange år framover.



Årsmelding frå styret 2021

Innleiing

Sparebankstiftinga Sogn og Fjordane er blant dei største sparebankstiftingane i Norge og har kontor i Førde i Sunnfjord. Stiftinga sitt formål er å vidareføre sparebanktradisjonane i Sogn og Fjordane gjennom å vere ein stor og langsiktig eigar i Sparebanken Sogn og Fjordane, og å dele ut gåver av overskotet til allmennyttige formål. Stiftinga skal ved utdeling av gåver først og fremst ta omsyn til dei distrikta som har bygt opp kapitalen i sparebanken. Stiftinga har også som formål å utøve forsvarleg kapitalforvaltning.

«Drivkraft for Sogn og Fjordane» er Stiftinga sin visjon. Gåvemidlar frå Sparebankstiftinga Sogn og Fjordane skal bidra til mangfald, trivsel og utvikling i heile Sogn og Fjordane. Stiftinga ønskjer å støtte den frivillige og ofte dugnadsbaserte innsatsen i lokalsamfunna og prioriterer prosjekt retta mot barn og unge. I tillegg støttar Stiftinga prosjekt innan overordna næringsutvikling, forskning og utdanning. Sparebankstiftinga Sogn og Fjordane har over tid engasjert seg i å få etablert tilbod innan høgare utdanning i Sogn og Fjordane. Utdanningstilboda er i hovudsak utvikla i lag med Høgskulen på Vestlandet og Fagskulen Vestland.

Sidan starten i 2011 har Stiftinga tildelt om lag 213 millionar kroner i gåver til allmennyttige formål i Sogn og Fjordane.

Hovudtrekk for 2021

Sparebankstiftinga Sogn og Fjordane har eit resultat på kr. 81 433 594

- Auka utbytte frå Sparebanken Sogn og Fjordane mellom anna som følgje av god bankdrift. Banken leverer stabile resultat også i ei tid med høg usikkerheit knytt til pandemien. Med bakgrunn i pandemien vidareførte myndigheitene restriksjonar ovanfor bankane om å halde tilbake overskot fram til 01.09.2021. Dette medførte ein litt lågare utbyttegrad frå banken enn kva ein kan forvente i eit normalår.
- Gåvetildelingane har auka med om lag 2 millionar kroner samanlikna frå året før. Frivillig sektor er framleis påverka av Covid-19 utbrotet. Søknadsgrense for forenkla søknad vart auka frå 10 000 kroner til 30 000 kroner frå 1. juli. Denne endring gjer at Stiftinga kan støtte fleire prosjekt raskare og meir effektivt. Stiftinga lanserte sommaren 2021 kampanjen «Oppstarten», der lag og organisasjonar kunne søkje om midlar til å starte opp igjen aktiviteten etter pandemien.

- I finansmarknaden vart det eit godt år for aksjemarknaden, medan rente- og obligasjonsmarknaden hadde eit relativt svakt år. Stifting har ved utgangen av 2021 ein portefølje som fordelar seg på 20 % aksjar og 80 % renteinvesteringar. Samla avkastning på verdipapirportefølje var på 4,47 % i 2021. Bankinnskot utgjer om lag 20 % av porteføljen og avkastninga på bankinnskot var omlag 0,6 % i 2021
- Stiftinga har vidareført engasjementet innan berekraft og miljø i 2021. Styret har vedteke strategi for berekraft og miljø, som skal synleggjere og vere rettleiande for Stiftinga sitt arbeid med berekraft. I strategiperioden har Stiftinga valt å prioritere desse Berekraftmåla; nr. 4 god utdanning, nr. 10 mindre ulikskap, nr. 13 stoppe klimaendringane.

Gåvetildelingar

Gåvetildelingar er det hovudformålet som det er knytt størst aktivitet til i Stiftinga. Styret er godt nøgd med arbeidet som gjort innan samfunnsengasjement og gåvetildeling. Mange viktig tiltak og prosjekt i Sogn og Fjordane er tildelt midlar i 2021. Pandemien og tilhøyrande restriksjonar har også i 2021 påverka frivillig sektor, noko som har medført at fleire prosjekt og aktivitetar anten vart utsett eller ikkje realisert.

Stiftinga lanserte kampanjen «Oppstarten» i tredje kvartal, der ein oppmoda lag og organisasjonar til å søkje om midlar til å sette i gang aktivitetar når samfunnet vart opna opp igjen etter pandemien. Som kjent medførte nye smitteutbrot til at samfunnet vart delvis stengt ned igjen i fjerde kvartal.

Strategien med å utvikle gåveinstituttet og rammene for gåvetildeling gradvis har gitt stiftinga høve til å utvikle god kunnskap og gode rutinar for gåvetildelingane. Stiftinga er i sitt arbeid oppteken av å få god samfunnsnytte av gåvene som blir tildelt. Styret har ei langsiktig målsetting om å dele ut om lag 30 % av samla inntekter i gåver. I 2021 utgjorde gåveutdelingane om lag 25 % av inntektene, mot 34 % i 2020. Det er også innarbeidd rutine i søknadsskjema der søkjar må vurdere kva effekt



tiltaket har innan miljø og berekraft. Søkjar får i søknadssystemet i tillegg ei rettleiing til å utarbeide strategi og tiltaksplan innan miljø og berekraft for organisasjonen sin dersom ein ønskjer det. Stiftinga ønskjer med dette å vere ein pådrivar for å styrkje bevisstgjeringa og kunnskapen innan berekraft i frivillig sektor.

Det blir tildelt gåver til samfunnsnyttige tiltak mellom anna innan; fysisk aktivitet, kultur, næringsutvikling og forskning/utdanning. I 2021 vart det tildelt gåver for 28,6 millionar kroner. Fordeling av gåvemediane mellom ulike formål i 2021 er slik:

<i>Kultur</i>	<i>7,4 mill. kr</i>
<i>Næringsutvikling</i>	<i>2,2 mill. kr</i>
<i>Utdanning/kompetanse</i>	<i>1,2 mill. kr</i>
<i>Idrett og fysisk aktivitet</i>	<i>16,1 mill. kr</i>
<i>Humanitært</i>	<i>0,7 mill. kr</i>
<i>Helse</i>	<i>0,2 mill. kr</i>
<i>Forskning</i>	<i>0,8 mill. kr</i>

Langsiktig og stabil eigarskap

Stiftinga vart oppretta i 2010 i samband med fusjonen mellom Sparebanken Sogn og Fjordane og Fjaler Sparebank. Som eit resultat av fusjonen vart også Sparebankstiftinga Fjaler etablert. Sparebankstiftinga Sogn og Fjordane eig 93,57 % av eigenkapitalbevisa Sparebanken Sogn og Fjordane, medan Sparebankstiftinga Fjaler eig 5,92 % . Eit viktig hovudformål for Stiftinga er å vere ein langsiktig og stabil eigar i Sparebanken Sogn og Fjordane. Målet med eigarskapen er å få ei konkurransedyktig avkastning samt å bidra til banken si vidare utvikling. Stiftinga har vedtektsfesta at ein skal eige meir enn 2/3 av eigenkapitalbevisa i Sparebanken Sogn og Fjordane.

Det har ikkje skjedd vesentlege endringar i eigarforholda i banken gjennom året. Stiftinga gjennomførte eit mindre sal av eigenkapitalbevis til Sparebanken Sogn og Fjordane for vidaresal til tilsette i andre kvartal.

Styret er godt kjent med at svært høg eigardel kombinert med at banken ikkje er børsnotert, medfører at stiftinga har høg konsentrasjonsrisiko. Stiftinga har fått auka likviditet i 2021, noko som gir Stiftinga høve til å opparbeide større beredskapskapital for eventuell kapitalutviding i banken. Vidare oppbygging av beredskapskapitalen er framleis eit viktig og prioritert område for styret.

Stiftinga har utarbeidd eigarstrategi som definerer mål og retningslinjer for korleis eigarskapen skal utøvast. Eigarstrategien blir fastsett og revidert av styret.

Styret er godt fornøgd med resultatutviklinga i Sparebanken Sogn og Fjordane, dei siste åra. Banken leverer resultat som er på høgde med samanliknbare bankar. Banken har stabil og god bankdrift og kan vise til god resultatutvikling også i ein periode der ein pandemi har prega samfunnet. Banken har god kapitaldekning.

Forsvarleg kapitalforvaltning

Både lovverk og vedtekter krev at Stiftinga forvaltar kapitalen på ein forsvarleg og formåls-tenleg måte. Styret i Stiftinga har vedteke og implementert strategi for kapitalforvaltning. Styret har høg merksemd på å opparbeide tilstrekkeleg beredskapskapital, slik at stiftinga har evne til å stille opp den dagen banken har behov for meir eigenkapital. Stiftinga har eit mål på sikt om å ha ein beredskapskapital på minimum 2 % av risikovekta balanse i banken, noko som i dag svarar til om lag 650 millionar kroner.

I fasen med å bygge beredskapskapital har Stiftinga valt ein relativ låg risikoprofil. Porteføljesamansetninga er 80 % rentefond og bankinnskot, og 20 % aksjefond. Stiftinga har ei indekxnær og passiv forvaltning av kapitalen. Porteføljen er fordelt på norske og globale fond, både når det gjeld aksjar og obligasjonar. Obligasjonsfonda er klassifisert som Investment Grade og globale obligasjonsfond er valutasikra.

2021 vart eit godt år for aksjemarknaden, medan rente- og obligasjonsmarknaden hadde eit relativt svakt år. Stiftinga har ved utgangen av 2021 ei samla finansportefølje på 363 millionar kroner. Samla avkastning på verdipapirportefølje var på 4,47 % i 2021.

Verdiendringa på verdipapirporteføljen var i 2021;

- Aksjefond 20,97 %
- Obligasjonsfond - 0,35 %
- Pengemarknadsfond 0,68 %

Bankinnskot utgjør om lag 20 % av porteføljen, og renteinntektene på bankinnskot var omlag 0,6 % i 2021.

Med omsyn til risikoprofil, avkastningsmål og porteføljesamansetning, er styret fornøgd med forvaltninga og avkastninga i 2021.



Berekraft

Stiftinga har i 2021 utarbeidd strategi for berekraft og miljø. Strategien tek utgangspunktet i FNs berekraftsmål. Berekraftsmål der stiftinga kan ha størst påverknad blir prioritert. Berekraftsstrategien er eit viktige verktøy når gåvesøknader blir vurdert og når stiftinga sjølve tek initiativ til gåveprosjekt. Døme på dette er gåve til utstyrssentralar/BUA, grønt arrangement og studentjobb prosjektet. Gode oppvekstvilkår, redusert ulikskap og gode tilbud innan høgare utdanning i regionen er blant områda stiftinga har sterkt fokus på. Innan kapitalforvaltning er det utarbeidd retningslinjer for ansvarlege investeringar.

Vidareutvikling av rammeverk, retningslinjer og rutinar

Styret reviderer jamleg styringsdokumentet. Retningslinjer for internkontroll gjev rammer for stiftinga sin risikostrategi og korleis risikoar Stiftinga er eksponert for skal styrast og kontrollerast. Dagleg leiar i stiftinga gjennomfører årleg risikoanalyse, risikovurdering og tilrår eventuelle tiltak. Internkontrollen blir lagt fram for styret, og status skal rapporterast regelmessig til styret.

Søknadsportalen er vidareutvikla for å sikre at det skal vere enkelt å vere søkjar, og for at søknadane har god kvalitet og tilstrekkeleg informasjon. Portalen har automatiserte varslingsrutinar, som skal sikre ein effektiv og informativ gåveprosess. Det er utarbeidd eigen rutine for handsaming av gåvesøknader.

Finansiell risiko

Stiftinga har finansiell risiko både når det gjeld eigarrolle i banken og kapital som er til forvaltning.

Stiftinga sin viktigaste risiko er knytt til eigarskapen i Sparebanken Sogn og Fjordane. Stiftinga har høg konsentrasjonsrisiko som følgje av at Stiftinga eig 93,57 % av Eigenkapitalbevisa i banken. I eigarrolla er det også ein likviditetsrisiko, sidan Banken ikkje er børsnotert. Eigarskapen er eit av dei viktigaste formåla til Stiftinga, og det er vedtektsfesta at Stiftinga skal eige minimum 2/3 av eigenkapitalbevisa i banken.

Strategi for kapitalforvaltninga er Stiftinga sine overordna retningslinjer for forvaltninga av stiftingane sine midlar, ut over eigenkapitalbevisa i Sparebanken Sogn og Fjordane. I denne strategien er der definert strategiske mål, avkastningsmål og risiko. I tillegg definerer strategien aktivklassar, allokeringsrammer samt rapportering og oppfølging. Stiftinga opererer med ei indeksnær og passiv finansforvaltning.

Styret skal sjå etter at Stiftinga sin kapital blir forvalta i tråd med formål og vedtekter. Styret handsamar og reviderer strategi for kapitalforvaltning årleg.

Styrande organ

Generalforsamlinga er stiftinga sitt øvste organ og har 12 medlemmar. Generalforsamlinga i 2021 består av 8 kvinner og 4 menn. Medlemmane blir valt blant innskotskundar i Sparebanken Sogn og Fjordane, og blir valt for 4 år.

Styret i Stiftinga består av 5 personar, 2 kvinner og 3 menn. Styret har hatt 9 styremøter i 2021. Stiftinga har ikkje teikna ansvarsforsikring for styret og dagleg leiar. Dei to fast tilsette i administrasjonen er menn.

Styrande organ er nærare gjort greie for i eigen artikkel i årsrapporten og på Sparebankstiftinga sine heimesider www.sparebankstiftinga.no

Administrasjon og HMS

Sparebankstiftinga har kontor i Førde. Stiftinga hadde ved utgangen av året 2,2 årsverk i administrasjonen.

Styret vurderer arbeidsmiljøet i organisasjonen som godt, og har ikkje iverksett spesielle arbeidsmiljøtiltak. Det er ikkje registrert skader eller ulukker i verksemda.

Ytre miljø

Etter styret si vurdering er verksemda til Stiftinga av ein slik karakter at den i liten grad forureinar det ytre miljø. Stiftinga er miljøsertifisert. Stiftinga sine utslipp er primært knytt til drift av kontoret, transport ved reiser og kjøp av varer og tenester. Stiftinga har berekraft som eit av sine vurderingskriterium ved gåvetildelingar.

Balanse

Stiftinga sin forvaltningskapital er ved årsskiftet på 2 198 279 861 kroner. Egedelane i Sparebankstiftinga Sogn og Fjordane består i hovudsak av

- Eigenkapitalbevis i Sparebanken Sogn og Fjordane, bokført verdi på kr 1 834 849 610
- Finansielle investeringar, bokført verdi på kr 273 307 487
- Bankinnskot, kr 90 067 193



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Resultat og disponering av overskot

Hovudinntektene i rekneskapen for 2021 er utbytte frå Sparebanken Sogn og Fjordane på kr 109 504 032. Netto renter og anna finansinntekter er på kr 5 856 182.

Driftskostnadane for 2021 utgjer kr 5 475 119 og er fordelt på kr 2 840 291 i aktivitetskostnadar (dvs. kostnader knytt til formålsrealisering) og kr 2 634 828 i administrasjonskostnadar. Det er kostnadsført gaver for kr 28 358 000. Aktivitetsresultat på kr 81 433 594.

Overskotet frå 2021 blir foreslått disponert slik:
Avsetning til Anna formålskapital: kr 81 433 594.

Føresetnader for vidare drift er til stades.

Framtidsutsikter

Stiftinga baserer aktiviteten sin i liten grad på overordna makroøkonomiske forventningar. Verksemda er først og fremst knytt til utbytte frå eigarskapen i Sparebanken Sogn og Fjordane, samt avkastninga på dei finansielle investeringane. Banken er solid, har god resultatutvikling og gjev stabile utbytteutbetalingar. Stiftinga forventar gode og stabile utbytter også framover, noko som tilseier at Stiftinga kan vidareføre ordinær aktivitet innanfor sine formål.

Vilkår for vidare drift er lagt til grunn ved utarbeiding av rekneskapen. Den framlagde rekneskapen gir ei korrekt framstilling av stiftinga si økonomiske stilling.

Førde 11. april 2022

Sparebankstiftinga Sogn og Fjordane

Lise Mari Haugen
styreleiar

Vegard Tore Strand
nestleiar

Tore Jakob Madsen
styremedlem

Leidulf Gløpestad
styremedlem

Bjørn Aage Haugen
styremedlem

Hallvard Klakegg
direktør



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Aktivitetsbasert resultatregneskap

TAL I TUSEN KRONER

ERVERVA MIDLAR	Note	2021	2020
Utbytte	1,2	109 504	73 079
Vinst sal egenkapitalbevis SSF	1,2	2 068	688
Verdiendring av finansielle instrument	3	-3 281	222
Renteinntekter	2,3	7 070	3 602
Sum inntekter på erverva midlar		115 360	77 591
FORBRUKTE MIDLAR			
Løyvde gåver og gåvebortfall	4,5	28 358	25 898
Aktivitetskostnader	2,6,7,8,9	2 840	2 499
Administrasjonskostnader	2,6,7,8,9	2 635	2 323
Finanskostnader		94	94
Sum kostnader / forbrukte midlar		33 927	30 814
AKTIVITETSRESULTAT		81 434	46 777
Overført anna formålkapital		81 434	46 777
Sum overføringer		81 434	46 777



Aktivitetsbasert balanse

TAL I TUSEN KRONER

EIGEDLAR

Anleggsmidler

	Note	2021	2020
Formålsinvesteringar, eigenkapitalbevis SSF	1	1 834 850	1 837 537
Finansielle investeringar	3	273 307	185 086
Programvare	9	35	178
Sum anleggsmidler		2 108 192	2 022 801

Omløpsmidlar

Kortsiktig fordringar og forskotsbetalte kostnader		21	60
Bankinnskot		90 067	86 393
Sum omløpsmidlar	10	90 088	86 453

SUM EIGEDLAR

2 198 280 **2 109 254**

FØREMÅLSKAPITAL OG GJELD

Føremålskapital

Grunnkapital	11	1 408 500	1 408 500
Gåvefond	11	50 000	50 000
Anna formålskapital	11	714 389	632 956
Sum formålskapital		2 172 889	2 091 456

GJELD

Pensjonsforpliktingar	8	981	769
Sum avsetning for forpliktingar		981	769

Kortsiktig gjeld

Skuldige offentleg avgifter		194	196
Leverandørgjeld	2	39	121
Løyvde gåver	4,5	23 877	16 419
Anna kortsiktig gjeld		298	293
Sum kortsiktig gjeld		24 409	17 029

Sum gjeld

25 391 **17 798**

SUM FØREMÅLSKAPITAL OG GJELD

2 198 280 **2 109 254**

Førde 11. april 2022

Sparebankstiftinga Sogn og Fjordane

Lise Mari Haugen
styreleiar

Vegard Tore Strand
nestleiar

Tore Jakob Madsen
styremedlem

Leidulf Gloppestad
styremedlem

Bjørn Aage Haugen
styremedlem

Hallvard Klakegg
direktør



Kontantstrømoppstilling

TAL I TUSEN KRONER

	2021	2020
Kontantstrømmer frå operasjonelle aktiviteter		
Aktivitetsresultat	81 434	46 777
Ordinære avskrivningar	143	143
Endring i leverandørgjeld	- 81	51
Skilnad mellom kostnadsført pensjon og inn-/utbetalingar i pensjonsordningar	212	198
Postar klassifiserte som investerings-/finansieringsaktiviteter	1 214	- 910
Endring i løyvde, ikkje utbetalte gåver	7 458	498
Endring i andre tidsavgrensingspostar	43	- 52
Netto kontantstrøm frå operasjonelle aktiviteter	90 422	46 705
Kontantstrømmer frå investeringsaktiviteter		
Innbetalningar ved sal av eigenkapitalbevis	4 755	3 174
Utbetalningar ved kjøp av finansielle investeringar	- 91 503	- 35 150
Netto kontantstrøm frå investeringsaktiviteter	- 86 748	- 31 976
Netto endring i kontantar og kontantekvivalentar	3 675	14 728
Behaldning av kontantar og kontantekvivalentar ved starten av perioden	86 393	71 664
Behaldning av kontantar og kontantekvivalentar ved slutten av perioden	90 067	86 393



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Notar

Rekneskapsprinsipp

Sparebankstiftinga Sogn og Fjordane vart stifta 17. august 2010 og er lokalisert i Førde. Grunnkapitalen i stiftinga vart etablert 1. september 2010 i samband med at Sparebanken Sogn og Fjordane vart omdanna til eigenkapitalbevisbank. Årsrekneskapa er sett opp i samsvar med rekneskaplova og NRS (F) God rekneskapsskikk for ideelle organisasjonar.

Alle beløp i rekneskapa og notar er oppgitt i heile tusen kroner, dersom ikkje anna er oppgitt spesifikt.

KLASSIFISERING OG VURDERING AV BALANSEPOSTAR

Omløpsmidlar og kortsiktig gjeld omfattar postar som forfell til betaling innan eitt år etter anskaffing. Andre postar er klassifisert som anleggsmiddel/langsiktig gjeld. Føremålsinvesteringar viser til investeringar som søker å oppfylle vedtekne føremål i stiftinga. Kortsiktig gjeld blir balanseført til nominelt beløp på opptakstidspunktet. Langsiktig gjeld blir balanseført til nominelt beløp på etableringstidspunktet. Varige driftsmiddel er nedskrive til forventa realisasjonsverdi ved verdifall som er vurdert ikkje å vere forbigåande. Forventa realisasjonsbeløp er det høgaste av netto salsverdi og verdi i bruk. Verdi i bruk er noverdien av framtidige kontantstraumar knytt til eigedelen. Nedskrivinga blir reversert når grunnlaget for nedskrivinga ikkje lenger er til stades.

Føremålsinvesteringar gjeld ei langsiktig aksjeplassering i Sparebanken Sogn og Fjordane. Denne vurderast for nedskriving på lik linje med varige driftsmiddel, og vil skrivast ned til verkeleg verdi, om det er indikasjonar på verdifall, som er vurdert å ikkje vere forbigåande. Finansielle investeringar gjeld langsiktige plasseringar i obligasjons- og aksjefond der underliggande verdiar er marknadskursar. Fonda blir vurdert enkeltvis til kostpris, med nedjustering til verkeleg verdi på balansedagen, om marknadsværdien er lågare enn kostpris.

GÅVEFOND

Gåvefond er formålskapital med sjølvpålagde restriksjonar, og er midlar som er avsett til gaver og drift av stiftinga.

ANNAN FØREMÅLSKAPITAL

Formålskapital som ikkje er underlagt restriksjonar er annan formålskapital.

LØYVDE GÅVER

Generalforsamlinga vedtek ramme for gåveutdeling, medan styret forvaltar dei disponible midlane frå generalforsamlinga. Gåver tildelt frå styret, blir kostnadsført på innvilgningstidspunktet, uavhengig av om utbetalinga har skjedd eller ikkje. Dersom det er vilkår knytt til bevilgninga vil den bli kostnadsført, dersom det er sannsynligheitsovervekt for at vilkåra blir oppfylt og utbetalinga vil skje. Styre kan løyve gåver for kommande år med forutsetning om at generalforsamlinga løyver tilstrekkeleg gåvemidlar, i disse tilfella blir gåvene kostnadsført når generalforsamlinga løyver midlar for det aktuelle året. Bortfall av løyvde gåver blir ført som negative kostnader på same måte som kostnaden opprinneleg blei kostnadsført. I balansen blir dei tildelte gåvene avsett som kortsiktig gjeld «Løyvde gåver» og redusert i takt med utbetalinga.

INNTEKTSFØRING FRÅ FINANSIELLE INSTRUMENT

Inntekter frå finansielle instrument vert resultatført når det vesentlege av risiko og avkastning er overført. For utbytte inneber det normalt inntektsføring i utdelingsåret, med mindre det er ei betydeleg sannsynligheitsovervekt for slik utdeling på balansedagen. Inntektsføring kan i dei tilfella skje i avsetningsåret.

SAMANSTILLING AV KOSTNADER

Kostnader blir fordelt mellom aktivitet- og administrasjonsutgifter etter forbruk. Forbruk av midlar vert periodisert etterkvart som aktivitetane er gjennomført.

PENSJON

1. Innskotsbaserte ordningar

Stiftinga har innskotsbasert pensjonsordning. Innskotsbaserte pensjonsordningar inneber at stiftinga ikkje gir løfte om framtidig pensjon på eit fast nivå, men betalar eit årleg innskot til ei kollektiv pensjonsordning. Den framtidige pensjonen vil avhenge av storleiken på innskotet og den årlege avkastninga på pensjonsparinga. Stiftinga har ikkje noko ansvar for dette utover å innbetale det årlege innskotet.



2. Kompensasjonspensjon

For dei tilsette som hadde ytingsbasert pensjonsordning ved avvikling av denne i 2016, er det inngått avtale om kompensasjon for redusert pensjon. Denne forpliktinga er berekna for den enkelte tilsette og oppteninga pr. 31.12 er ført som pensjonsforplikting i balansen.

3. Avtalefesta førtidspensjonsordning (AFP)

Sparebankstiftinga Sogn og Fjordane har ei AFP-ordning. Rekneskapsmessig er ordninga vurdert som ei ytingsbasert fleirføretaksordning. Den nye AFP-ordninga er finansiert gjennom premieinnbetalingar og er innrekna i rekneskapan som ei innskotsordning, fordi pensjonsansvaret ikkje kan målast påliteleg. Det er følgjeleg ikkje sett av noko i balansen for ordninga.

SKATT

Stiftinga har ikkje erverv som formål, og er ikkje skattepliktig jf. Skattelova sine reglar om skattefrie institusjonar.

DISPONERING AV RESULTAT

Det blir overført til/frå gåvefond inntil mål om gåve og driftsreserve på 50 mill. kr er oppfylt. Det øvrige blir overført til /frå annan formålskapital.

Note 1 Formålsinvesteringar, eigenkapitalbevis i Sparebanken Sogn og Fjordane

Stiftinga har slik eigardel i Sparebanken Sogn og Fjordane, med foretningskontro i Førde:

TAL I HEILE KR	Eigar andel	Eigarandels- kapital stemmerett*	Tal eigen- kapitalbevis	Pålydande	Kostpris
Sparebanken Sogn og Fjordane	93,57 %	40 %	18 229 997	100	1 834 849 610

* I følgje vedtektene til Sparebanken Sogn og Fjordane er det fastsett at eigarandelskapitalen maksimalt kan ha 40 % stemmerett i generalforsamlinga. Det er difor ikkje aktuelt å utarbeide konsernrekneskap.

Endring i behaldning eigenkapitalbevis frå 2020 til 2021 gjeld nedsal til SSF av 20 675 eigenkapitalbevis.

Eigenkapitalbevisa, som stiftinga eig i Sparebanken Sogn og Fjordane er bokført som anleggsmidlar ut frå at dei er bestemt til varig eige. I mangel på børsnotering av eigenkapitalbevisa er verdien vurdert ut frå tilgjengeleg informasjon basert på rekneskapstal. Ut frå gjennomført verdivurdering av banken sin marknadsverdi er konklusjonen at nedskrivning ikkje er aktuelt pr. 31.12.21 og at verdien av stiftinga sine eigenkapitalbevis i Sparebanken Sogn og Fjordane blir sett lik anskaffelseskost.

Nøkkeltal frå Sparebanken Sogn og Fjordane kvartalsrapport 4. kvartal 2021 (konsern, ikkje revidert):

TAL I MILLION KRONER	2021	2020
Resultatrekneskap		
Totalresultat	666	443
Balanse		
Eigenkapitalbevis	1 948	1 948
Overkurs	16	16
Utjammingsfond	2 452	2 175
Sum eigarandelskapital	4 416	4 139
Grunnfond	645	593
Sum grunnfondskapital	645	593
Fond for urealiserte vinstar	454	354
Annan eigenkapital	196	163
Hybridkapital	350	350
Avsett til utbytte og gåver	187	129
Sum eigenkapital	6 249	5 727



Note 2 Transaksjoner og mellomværende med nærstående parter/tilknyttta selskap

Nærstående part/tilknyttta selskap	Tilknytning	Eigarandel	Eigarandels-kapital stemmerett*
Sparebanken Sogn og Fjordane	Egenkapital-bevis eier	93,57 %	40 %

Transaksjonar med Sparebanken Sogn og Fjordane

Alle transaksjonar er føretatt som del av den ordinære verksemda og til marknadsprisar forhandla fram mellom partane. De vesentligste transaksjonene som er foretatt er som følger:

	2021	2020
Utbytte frå SSF	109 504	73 079
Sal eigenkapitalbevis SSF	4 755	3 174
Renteinntekter	567	922
Kjøp administrative tenester	230	222
Leige kontorlokale	181	181

Balansen inkluderer følgjende beløp som følgje av transaksjonar med Sparebanken Sogn og Fjordane

	2021	2020
Bankinnskott	90 067	86 393
Leverandørgjeld	11	57

Note 3 Finansielle investeringar

Pr. 31.12.21 har stiftinga følgjande investeringar

	Kostpris	Marknads-verdi 31.12.21	Resultat-ført verdi-ending 2021	Ned-skrive 31.12.21	Bokført verdi 31.12.21	Innteks-ført utbytte 2021
Globale aksjefond	26 000	36 710	0	0	26 000	0
Norske aksjefond	26 000	34 585	0	0	26 000	0
Globale obligasjonsfond	73 023	70 314	- 2 709	- 2 709	70 314	4 608
Norske obligasjonsfond	59 774	59 259	- 514	- 514	59 259	868
Pengmarknadsfond	91 793	91 761	- 58	- 59	91 734	1 027
Sum aksje- og obligasjonsfond	276 590	292 630	- 3 281	- 3 282	273 307	6 503

Pr. 31.12.20 har stiftinga følgjande investeringar

	Kostpris	Marknads-verdi 31.12.20	Resultat-ført verdi-ending 2020	Ned-skrive 31.12.20	Bokført verdi 31.12.20	Innteks-ført utbytte 2010
Globale aksjefond	18 500	21 903	0	0	18 500	0
Norske aksjefond	18 500	22 074	0	0	18 500	0
Globale obligasjonsfond	48 415	50 644	0	0	48 415	1 015
Norske obligasjonsfond	38 590	39 389	177	0	38 590	883
Pengmarknadsfond	61 082	61 141	45	- 1	61 081	781
Sum aksje- og obligasjonsfond	185 087	195 150	222	- 1	185 086	2 680



Note 4 Løyvde gjevemidlar

	2021	2020
Løyvde gåver	28 561	26 669
Fråfall av gåver, tidlegare løyvde	- 203	- 771
Løyvde gåver	28 358	25 898
Løyvde, ikkje utbetalte gåver 01.01.	16 419	15 921
Løyvde gåver	28 358	25 898
Utbetalte gåver	- 20 900	- 25 400
Løyvde, ikkje utbetalte gåver 31.12.	23 877	16 419

Note 5 Gåveutdeling

TAL I HEILE KRONER

Gåver tildelt pr. søknad:

4H SOGN OG FJORDANE	550 000	ELVISFESTIVALEN I MÅLØY	30 000
AKTIV RAUDEBERG	30 000	FAGERLIA VEL	5 000
AKVAHUB AS	360 000	FAGSKULEN VESTLAND	
AL STYKKJE BURETTSLAG	10 000	V/FYLKESKOMMUNEN	1 200 000
AMONDAMARKA VELFORENING	30 000	FAU BREIM SKULE	20 000
ASKROVA BYGDELAG	15 000	FEIOS BEDEHUSFORENING	10 000
ASKVOLL OG HOLMEDAL IDRETTSLAG	135 000	FEIOS BYGDALAG	25 000
ATLØY IDRETTSLAG	20 000	FELLESANLEGGET - TUA	40 000
BAREKSTAD/HOVDEVÅG GRENDALAG	55 000	FJALER OG OMEGN	
BERGEN LAUGARLAG	200 000	MOTORSPORTKLUBB	100 000
BERLE GRENDELAG	50 000	FJORDANE LUFTSPORTSKLUBB	30 000
BLEST 2021	100 000	FJÆRA BLUESKLUBB	30 000
BRAK	180 000	FJÆRLAND IDRETTSLAG	10 000
BRANDANGERSUND SAMFUNNSHUS	10 000	FJØRA FOTBALLKLUBB	15 000
BRATTLAND BUSTADLAG	20 000	FLORA CYKLEKLUBB	20 000
BREIMSBYGDA IL	160 000	FLORA-BREMANGER BRASSBAND	15 000
BREIMSBYGDA SKISENTER AS	50 000	FLORØ BYS VEL	400 000
BREMANGER IDRETTSLAG	100 000	FLORØ E-SPORT	100 000
BREMANGER KOMMUNE	25 000	FLORØ GOLFKLUBB	10 000
BREMANGER SKULEMUSIKK	20 000	FLORØ HORNMUSIKK	20 000
BREMANGER SKYTTERLAG	40 000	FLORØ SEILFORENING	60 000
BRYGGJA SKULEKORPS	5 000	FLORØ SKOLES MUSIKKORPS	100 000
BRYGGJA UTVIKLINGSLAG	50 000	FLORØ TENNISKLUBB	30 000
BRÆVASSHYTTA AS	6 000	FLORØ TURN- OG IDRETTSFORENING	10 000
BYMARKAS VENNER	80 000	FLORØSKULEN BRASSBAND	30 000
DAGSTURHYTTER I HORDALAND	1 000 000	FRELSESARMEEN	100 000
DALSFJORDEN/YTRE		FRES FESTIVAL	20 000
SOGN FJORDHESTLAG	10 000	FURORESTIPEND 9 STK Å 50.000 KR	450 000
DANS UTAN GRENSER JØLSTER	5 000	FØRDE IDRETTSLAG	4 065 000
DANS UTEN GRENSER AS	150 000	FØRDE INTERNASJONALE	
DAVIK MUSIKKLAG	20 000	FOLKEMUSIKKFESTIVAL	180 000
DRIVPRISEN	150 000	FØRDE JAKT- OG FISKELAG	250 000
EGGENIBBERÅSA AS	200 000	FØRDE KAMMERKOR	20 000
EID IDRETTSLAG	10 000	FØRDE KØYRE- OG RIDEKLUBB	100 000
EIDSGRENDA VEL	228 000	FØRDE MUSIKKLAG	10 000
EIKEFJORD GRENDALAG	50 000	FØRDE SKULEMUSIKKORPS	40 000



FØRDE SKYTTARLAG	150 000	KLOKKARGARDEN OG SELSTADVEGEN GRANNELAG	50 000
GAULAR IDRETTSLAG	325 000	KORIANDE BLANDAKOR	20 000
GLOPPEN KØYRE- OG RIDEKLUBB	7 000	KVALHEIM GRENDALAG	75 000
GLOPPEN PADLEKLUBB	13 000	KYRKJEBØ UNGDOMSLAG	5 000
GLOPPEN SOGELAG	500 000	LANGELAND SKI- OG FRITIDSSENTER AS	10 000
HAFSLO SKULE- OG UNGDOMSKORPS	10 000	LAVIK IDRETTSLAG	51 000
HARPEFOSSEN SKISENTER AS	100 000	LAVIK KARATEKLUBB	50 000
HAUGEN IL	20 000	LEIKANGER SKYTTARLAG	30 000
HAUGEN OG DALEN BYGDEUTVIKLINGSLAG	50 000	LEIRVIK GRENDALAG	53 000
HAVBLIKK	30 000	LOEN UTVIKLINGSLAG	100 000
HAVRENESET BYDELSUTVAL	20 000	LUSTER TURLAG	10 000
HETLEBAKKANE VELFOREINING	10 000	LUTT-PRISEN 2021 + 2022	75 000
HOLKEROCK	35 000	LÆRDAL GOLFKLUBB	300 000
HOLSEN SKYTTARLAG	150 000	LÆRDAL KOMMUNE	50 000
HORNINDAL FRITIDSKLUBB	5 000	MALAKOFF ROCKFESTIVAL	200 000
HORNINDAL NÆRINGSLAG	30 000	MARKANE IDRETTSLAG	25 000
HUB FOR OCEAN	450 000	MARKANE UNGDOMSLAG	10 000
HUGIN MUSIKKFORUM	40 000	MONA VEKST AS	30 000
HUSET I BYGDA	2 800 000	MÅLØY FRISBEE CLUB	20 000
HYLLESTAD JAKT- OG FISKELAG	50 000	MÅLØY VEKST AS	50 000
HØGSKULEN PÅ VESTLANDET	200 000	NATURVERNFORBUNDET I SOGN OG FJORDANE	500 000
HØYANGER PISTOLKLUBB	10 000	NAUSTDAL KØYRE- OG RIDEKLUBB	15 000
HÅLANDSFELTET VEL	135 000	NAUSTDAL SONGLAG	8 000
IDRETTSLAGET HØYANG	30 000	NCMT	350 000
IDRETTSLAGET SYRIL	45 000	NFF SOGN OG FJORDANE	200 000
IDRETTSLAGET VETEN	30 000	NJØS FRUKT- OG BÆRSENTER AS	800 000
IDROTTSLAGET JOTUN	85 000	NORANE IDRETTSLAG	20 000
IGLANDSVIK UTVIKLING	20 000	NORDFJORDAKADEMIET ÅR 2 AV 3	150 000
INDRE BREIM SKYTTERLAG	10 000	NORGES JEGER- OG FISKERFORBUND SOGN OG FJORDANE	5 000
INDRE NORDFJORD TURLAG	10 000	NORSK FOLKEHJELP ÅRDAL	100 000
INDRE SOGN LOKALLAG AV FORTIDSMINNEFORENINGA SOGN OG FJORDANE AVDELING	5 000	NORSK KORNØLFESTIVAL	30 000
INDRE SUNNFJORD ETTERVERN	5 000	NORSKE REDNINGSHUNDER SOGN OG FJORDANE DISTRIKT	100 000
INSTEDALEN SKIANLEGG AS	10 000	NORUM SKYTTARLAG	25 000
JAKOB SANDES-SELSKAPET	115 000	OLDEN IDRETTSLAG	50 000
JEREMIAS FOLKEMUSIKKFOREINING	30 000	OPE HUS SANDANE	25 000
JØLSTER IDRETTSLAG	25 000	OPERAKYSTEN	30 000
JØLSTER KFUK-KFUM-SPEIDARAR	100 000	OPPLEV LEIKANGER	50 000
JØLSTER LØPELAG	20 000	PENSJONISTFORBUNDET SOGN OG FJORDANE	111 000
JØLSTER MUSIKKLAG	15 000	POLENTUR NAUSTDAL KULL 2005	20 000
KALVÅG SKULEMUSIKK	40 000	RAKE GRENDALAG	50 000
KANDAL AKTIV	30 000	REFVIK BYGDEUTVIKLING SA	10 000
KAUPANGER SKULE- OG UNGDOMSKORPS	20 000	REODORKLUBBEN BREIM	10 000
KEIPEN TURLAG	50 000	SANDANE DATASTOVE	40 000
KINN KOMMUNE	50 000	SANDØY GRENDELAG	10 000
KJØLSDALEN MUSIKKLAG	50 000	SELJÉ IDRETTSLAG	100 000
KJØRSLEMØBAKKANE BURETTSLAG	30 000	SENIORUNIVERSITETET I FØRDE	10 000
KLATREPARKAR REHABILITERING	1 050 000		



SENIORUNIVERSITETET I GLOPPEN	25 000	SUNNFJORD MUSIKKFEST	10 000
SILDA GREINDAHUS	30 000	SUNNFJORD UTVIKLING ÅR 2 AV 3	250 000
SIPLO TRÅKKEMASKINDRIFT	250 000	SVANØY FOLKEAKADEMI	30 000
SKAVØYPOLL IDRETTLAG	150 000	SVANØY GREINDAUTVAL	10 000
SKEI MILJØUTVIKLING	210 000	SVELGEN OPP OG FRAM	50 000
SKORPA BYGDELAG	10 000	SVELGEN SAMFUNNSHUS	30 000
SLÅTTEBAKKANE GRANNELAG	60 000	SØRSTRAND FOLKEPARK	150 000
SLÅTTEN FAU (FORELDRERÅDETS ARBEIDSUTVAL)	150 000	TEATER VESTLAND AS	75 000
SOGN OG FJORDANE		UL DÆMRING	5 000
FRIIDRETTSKRINS	500 000	UTSTYRSSENTRALAR I SOGN OG FJORDANE	900 000
SOGN OG FJORDANE KRETS	10 000	VADHEIM IL	20 000
AV NORGES SPEIDERFORBUND		VESTLANDSAKADEMIET	70 000
SOGN OG FJORDANE TURLAG	200 000	VESTRE LEITE GREINDALAG	7 000
SOGNDAL SKULEMUSIKK	10 000	VETERANBÅTLAG ATLØY	100 000
SOLUND IL	110 000	VEVRING TAE KWON DO KLUBB	25 000
SOLUND MUSIKK- OG TEATERVERKSTAD	30 000	VISIT NORDFJORD AS	115 000
SOLUND SKULEMUSIKKORPS	50 000	VISIT SOGNEFJORD AS	600 000
SOLVORN BYGDALAG	20 000	VÅGSØY HUNDEKLUBB	20 000
STADLANDET SKYTTERLAG	30 000	VÅGSØY RC LASTEBIL	30 000
STAVANG BYGDELAG	10 000	WAYBACK BERGEN - STIFTELSEN LIVET ETTER SONING	50 000
STEMNEBØ TING	30 000	WÆRHOLMEN KYSTLAG	60 000
STIFTINGA DEN NORSKE BOKBYEN	10 000	YTRE GULEN IDRETTLAG	235 000
STIFTINGA GLOPPEN MUSIKKFEST	35 000	ØEN GREINDALAG	10 000
STIFTINGA SVANHILD	250 000	ØVRE STEINEN GRANNELAG	7 000
STIFTINGA UTKANT	50 000	ØVRE ÅRDAL JANITSJARKORPS	35 000
STIFTINGA UTLADALEN NATURHUS	300 000	ØYRAHAUGEN GREINDALAG	70 000
STRYN KFUK/KFUM	20 000	ÅFJORDDAL UNGDOMSLAG	15 000
STRYN KOMMUNE	50 000	ÅLFOTEN HORN MUSIKK	10 000
STRYN NÆRINGSSAMSKIPNAD	102 500	ÅRDAL E-SPORT	75 000
STRYN TURN- OG IDRETTLAG	390 000	ÅRDAL GROVSYKLARLAUG	50 000
SUNDE KRINS GREINDALAG	70 000	ÅSEN VEL	50 000
SUNNFJORD KAJAKKLUBB	30 000		

Fleire g aver til same mottakar er sl tt saman i oversikten.
Sum g aver kan avvike fr  rekneskapstal, grunna fr fall av g aver ref. Note 3.



Note 6 Driftskostnader

Driftskostnader etter aktivitet	2021	2020
Aktivitetskostnader		
Aktivitets- og arrangementskostnader	484	280
Lønskostnader	1 704	1 644
Avskrivning på immaterielle egedelar	143	143
Andre konsulent- og bistandtenester	18	0
Kontorkostnader	362	358
Andre driftskostnader	131	74
Sum aktivitetskostnader	2 840	2 499
Administrasjonskostnader		
Løn- og honorarkostnader	1 699	1 596
Konsulent- og bistandtenester frå SSF	230	222
Andre konsulent- og bistandtenester	125	39
Kontorkostnader	191	107
Andre driftskostnader	390	359
Sum administrasjonskostnader	2 635	2 323
Sum driftskostnader etter aktivitet	5 475	4 822

Stiftinga sine vedtektsfesta formål er å vere ein langsiktig eigar av Sparebanken Sogn og Fjordane, forvalte stiftinga sine verdiar på ein god måte og dele ut gåver til allmennyttige formål. Ut frå dette er kostnader knytt til utøving av eigarskap, omdømmebygging og forvaltning av stiftinga sine egedelar definert som formålsaktiviteter, i tillegg til gåver til allmennyttige formål. Kostnader knytt til styring, kontroll og eigenutvikling er administrasjonskostnader. Felleskostnader som gjeld både aktivitet- og administrasjonskostnader er fordelt etter forbrukt tid eller mengde.

Driftskostnader etter art	2021	2020
Løn, honorar og andre personalkostnader	3 403	3 240
Andre driftskostnader	2 072	1 582
Sum driftskostnader etter art	5 475	4 822



Note 7 Lønskostnader, godtgjersle, tal tilsette

	2021	2020
Lønskostnader		
Løn og honorar	2 663	2 562
Pensjonskostnader	419	400
Arbeidsgjevaravgift	306	275
Anna	16	2
Sum	3 403	3 240
Tal årsverk	2	2
Tal tilsette pr. 31.12.	2	2

Ytingar til leiande personar	Dagleg leiar	Styre	General- forsamling
Løn	1 125	572	127
Naturalytingar	10	0	0
Pensjonskostnader	238	0	0
Sum	1 372	572	127

Leiande tilsette har ikkje avtale om bonus eller aksjebasert avlønning.
Det er ikkje ytt lån til medlemmer av styret eller tilsette.

Godtgjersle til revisor	2021	2020
Revisjon	76	81
Andre ytingar	9	4
Sum godtgjersle inkl. mva	85	84



Note 8 Pensjonskostnader og -forpliktingar

GENERELT

Stiftinga er pliktig til å ha tenestepensjonsordning etter lov om obligatorisk tenestepensjonsforsikring. Stiftinga har pensjonsordning som tilfredsstillar krava i denne lova. Stiftinga har følgjande pensjonsordningar:

1. Innskotspensjon

Stiftinga har innskotspensjonsordning. Innskotspensjonsordninga inneber at stiftinga innbetalar premie til ei innskotspensjonsordning i eit forsikringsselskap. I 2021 utgjer innbetalinga 7 % av ordinær lønn opp til 7,1 G og 15 % av ordinær lønn mellom 7,1 og 12 G. Dei tilsette kan sjølv velje når dei vil ta ut innskotspensjon, men tidlegast frå fylte 62 år og seinast ved fylte 75 år. Normal utbetalingstid er 10 år. Innbetalt pensjonskapital og tilhøyrande avkastning, med frådrag av administrasjonskostnader, er den enkelte tilsette sin eigedom og ordninga kan arvast, dersom den tilsette skulle falle frå før pensjonsmidlane er utbetalt. Innskotspensjonsordninga er ikkje balanseført.

2. Kompensasjonspensjon

For dei tilsette som hadde ytingsbasert pensjonsordning ved avslutning av denne 01.06.2016 og som fekk lågare pensjon ved overgang til innskotspensjon, er det inngått ein avtale om kompensasjon for redusert forventna pensjon. Kompensasjonspensjonen er usikra. Forpliktinga er utrekna for den enkelte ut frå kva som er opptent pr. 31.12 og er ført som pensjonsforplikting i balansen.

3. Avtalefesta førtidspensjonsordning (AFP)

Sparebankstiftinga Sogn og Fjordane har ei AFP-ordning. Rekneskapsmessig er ordninga vurdert som ei ytingsbasert fleirføretaksordning. AFP-ordninga blir finansiert gjennom premieinnbetalingar og er rekna inn i rekneskapan som ei innskotsordning, fordi pensjonsansvaret ikkje kan identifiserast påliteleg. Det er følgeleg ikkje føretatt avsetning i balansen for ordninga. AFP-ordninga inneber at tilsette kan slutte med AFP frå dei fyller 62 år. AFP-ordninga er basert på eit samarbeid av tre partar dvs. arbeidsgjevarorganisasjonar, arbeidstakarorganisasjonar og staten. Staten dekkjer 1/3 av pensjonsutgiftene til AFP, medan tilslutta føretak dekkjer 2/3. Føretak som deltar i ordninga er solidarisk ansvarlege for 2/3 av pensjonen som skal betalast. Ansvaret gjeld både manglande innbetaling og dersom premiesatsen viser seg å vere utilstrekkeleg. Alle tilsette i stiftinga er med i ordninga. Ved uttak vil det bli rekna ut ein årleg pensjon på grunnlag av pensjonsgjevande inntekt opp til 7,1G frå fylte 13 år, til og med fylte 61 år. Ordninga er administrert av Fellesordninga for AFP, som også fastset og krev inn premie. I 2021 utgjorde premien 2,5 % av lønn mellom 1 G og 7,1 G.

4. Sum pensjonskostnad og forplikting

Pensjonskostnad inkl. arbeidsgjevaravgift	2021	2020
Innskotspensjon	193	190
Kompensasjonspensjon	212	198
Avtalefesta førtidspensjonsordning (AFP)	35	34
Sum	440	422
Pensjonsforplikting inkl. arbeidsgjevaravgift	31.12.21	31.12.20
Kompensasjonspensjon	981	769
Sum	981	769



Note 9 Immaterielle egedelar

	Programvare
Kostpris pr. 01.01.21	429
Tilgang	0
Avgang	0
Samla avskrivningar	394
Bokført verdi 31.12.21	35
Avskrivningar for året	143
Lineær avskrivning	3 år

Note 10 Bankinnskot

	2021	2020
Bundne skattetrekksmidlar	125	128
Innskot med 31 dager oppseing	78 834	82 324
Innskot utan binding	11 109	3 940
Sum bankinnskot	90 067	86 393

Note 11 Formålskapital

	Grunnkapital	Gåvefond *	Annen formålskapital	Sum formålskapital
Formålskapital 31.12.2020	1 408 500	50 000	632 956	2 091 456
Årsresultat			81 434	81 434
Formålskapital 31.12.2021	1 408 500	50 000	714 389	2 172 889

* Gåvefond er formålskapital med sjølvpålagde restriksjonar, og er midlar som er avsett til gåver og drift av stiftinga.



Til generalforsamlinga i Sparebankstiftinga Sogn og Fjordane

MELDING FRÅ UAVHENGIG REVISOR

Fråsegn om årsrekneskapen

Konklusjon

Vi har revidert Sparebankstiftinga Sogn og Fjordane sin årsrekneskap som er samansett av aktivitetsbasert balanse per 31. desember 2021, aktivitetsbasert resultatrekneskap, kontantstraumoppstilling for rekneskapsåret avslutta per denne datoen og notar til årsrekneskapen, medrekna eit samandrag av viktige rekneskapsprinsipp.

Etter vår meining

- oppfyller årsrekneskapen gjeldande lovkrav, og
- gjev årsrekneskapen eit rettvisebilete av stiftinga si finansielle stilling per 31. desember 2021, og av resultat og kontantstraumane for rekneskapsåret avslutta per denne datoen, i samsvar med rekneskapslova sine reglar og god rekneskapskikk i Noreg.

Grunnlag for konklusjonen

Vi har gjennomført revisjonen i samsvar med dei internasjonale revisjonsstandardane International Standards on Auditing (ISA-ane). Våre oppgåver og plikter etter desse standardane er beskrivne under overskrifta *Revisor sine oppgåver og plikter ved revisjon av årsrekneskapen*. Vi er uavhengige av stiftinga slik det er krav om i lov, forskrift og International Code of Ethics for Professional Accountants (medrekna dei internasjonale sjølvstendestandardane) utferda av the International Ethics Standards Board for Accountants (IESBA-reglane), og har oppfylt dei andre etiske pliktene våre i samsvar med desse krava. Innhenta revisjonsbevis er etter vår oppfatning tilstrekkeleg og formålstenleg som grunnlag for vår konklusjon.

Ytterlegare informasjon

Styret og dagleg leiar (leiinga) er ansvarlege for informasjonen i årsmeldinga. Ytterlegare informasjon omfattar informasjon i årsrapporten bortsett frå årsrekneskapen og den tilhøyrande revisjonsmeldinga. Vår fråsegn om revisjonen av årsrekneskapen dekkjer ikkje informasjonen i årsmeldinga.

I samband med revisjonen av årsrekneskapen er det oppgåva vår å lese årsmeldinga. Formålet er å vurdere om det er vesentleg inkonsistens mellom årsmeldinga og årsrekneskapen og den kunnskap vi har opparbeidd under revisjonen, eller om årsmeldinga inneheld vesentleg feilinformasjon. Vi er pålagde å rapportere om årsmeldinga inneheld vesentleg feilinformasjon. Vi har ikkje noko å rapportere i så måte.

Ut frå kunnskapen vi har opparbeidd oss i revisjonen, meiner vi årsmeldinga

- er konsistent med årsrekneskapen og
- inneheld dei opplysningane som skal vere med etter gjeldande lovkrav.

Leiinga sitt ansvar for årsrekneskapen

Leiinga er ansvarleg for å utarbeide årsrekneskapen og for at han gir eit rettvisebilete i samsvar med rekneskapslova sine reglar og god rekneskapskikk i Noreg. Leiinga er også ansvarleg for naudsynt intern kontroll for å kunne utarbeide ein årsrekneskap som ikkje inneheld vesentleg feilinformasjon, verken som følge av mislegg framferd eller feil som ikkje er tilsikta.



Ved utarbeidinga av årsrekneskapen må leiinga ta standpunkt til stiftinga si evne til å halde fram med drifta og opplyse om tilhøve av betydning for dette. Føresetnaden om at drifta kan halde fram, skal leggjast til grunn for årsrekneskapen så lenge det ikkje er sannsynleg at verksemda vil bli avvikla.

Revisor sine oppgaver og plikter ved revisjon av årsrekneskapen

Vårt mål er å oppnå tryggande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av misleg framferd eller feil som ikkje er tilsikta, og å gi ei revisjonsmelding som inneheld konklusjonen vår. Tryggande sikkerheit er ein høg grad av tryggleik, men ingen garanti for at ein revisjon utført i samsvar med ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom han, åleine eller samla, innanfor rimelege grenser kan forventast å påverke økonomiske avgjerder som brukarane tar basert på årsrekneskapen.

Som del av ein revisjon i samsvar med ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoen for vesentleg feilinformasjon i årsrekneskapen, enten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkeleg og formålstenleg som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekka, er høgare enn for feilinformasjon som skuldast feil som ikkje er tilsikta, sidan misleg framferd kan innebere samarbeid, forfalsking, bevisste utelatingar, urette framstillingar, eller brot på interne kontrollrutinar.
- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er formålstenlege etter tilhøva, men ikkje for å gi uttrykk for ei meining om effektiviteten av stiftinga sin interne kontroll.
- evaluerer vi om rekneskapsprinsippa som er brukte, er formålstenlege, og vurderer om rekneskapsestimata og tilhøyrande noteopplysningar som er utarbeidde av leiinga, er rimelege.
- konkluderer vi, basert på innhenta revisjonsbevis, på om leiinga sin bruk av framleis drift-føresetnaden ved fastsetting av årsrekneskapen er formålstenleg og om det er vesentleg uvisse knytt til hendingar eller tilhøve som kan skape tvil av betydning om stiftinga si evne til å halde fram med drifta. Dersom vi konkluderer med at det eksisterer vesentleg uvisse, må vi i revisjonsmeldinga gjere merkisam på tilleggsopplysningane i årsrekneskapen, eller, dersom slike tilleggsopplysningar ikkje er tilstrekkelege, at vi modifiserer konklusjonen vår. Konklusjonane våre er basert på revisjonsbevis innhenta inntil datoen for revisjonsmeldinga. Etterfølgjande hendingar eller tilhøve kan likevel føre til at stiftinga ikkje held fram med drifta.
- evaluerer vi den totale presentasjonen, strukturen og innhaldet i årsrekneskapen, og tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir eit rettvisebilde.

Vi kommuniserer med styret mellom anna om det planlagde omfanget av revisjonen og til kva tid revisjonsarbeidet skal utførast. Vi utvekslar også informasjon om tilhøve av betydning som vi har avdekka i løpet av revisjonen, samt om eventuelle svakheiter av betydning i den interne kontrollen.

Fråsegn om andre lovmessige krav

Konklusjon om utdeling og forvaltning

Basert på revisjonen vår av årsrekneskapen slik den er skildra ovanfor, og kontrollhandlingar vi har funne nødvendige etter internasjonal standard for attestasjonsoppdrag ISAE 3000, *Attestasjonsoppdrag som ikkje er revisjon eller forenkla revisorkontroll av historisk finansiell informasjon*, meiner vi at forvaltninga av stiftinga og utdelingane er i samsvar med lov og stiftinga sitt føremål og vedtekter.

Florø, 11. april 2022

Deloitte AS

Rune Norstrand Olsen
statsautorisert revisor



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254

Sparebankstiftinga sine styrande organ

Generalforsamlinga er stiftinga sitt øvste organ og har 12 medlemmer og 4 varamedlemmer. Samansettinga skal spegle kundestrukturen i Sparebanken Sogn og Fjordane som skipa stiftinga, samt andre samfunnsmessige interesser knytt til Sparebankstiftinga si verksemd. Medlemene blir valde for 4 år.

Den årlege ordinære generalforsamlinga fastset dei økonomiske rammene for gåvetildeling etter framlegg frå styret. I tillegg skal generalforsamlinga godkjenne stiftinga sitt årsoppgjer og føre tilsyn med stiftinga si verksemd, fastsette godtgjersle til styret, velje revisor og fastsette revisor si godtgjersle.

Styret skal ha 3-8 medlemmer og 2 varamedlemmer. Styret si samansetting skal reflektere samansettinga av dei gruppene som har stemmerett på generalforsamlinga.

Styret skal sjå til at stiftinga sine midlar blir forvalta i samsvar med stiftinga sine formål og at verksemda er i samsvar med gjeldande lover, reglar og vedtekter. Styret skal også syte for utdelinga av gåver innanfor dei rammer som generalforsamlinga har bestemt.

Generalforsamling:

MEDLEMER

Åge Avedal, Førde (leiar)
Kristin Svardal (nestleiar)
Linda Hovland, Dale
Laila Johannessen, Hyllestad
Roger Aa Djupvik, Sandane
Monika Refvik, Vågsøy
Gro Rukan, Eikefjord
Nils Magne Slinde, Leikanger
Geir Støfring, Jølster
Daniel Kvernøy, Eivindvik
Siv Merete Stadheim, Florø
Per Øyvind Sørbø, Eikefjord

VARAMEDLEMER

1. John Gerick Bårøy, Hyllestad
2. Rolf Olav Gjørven, Oppstryn
3. Anne Skaar, Sogndal
4. Endre Rutledal, Måløy

Styret:

MEDLEMER

Lise Mari Haugen, Førde (styreleiar)
Vegard Strand, Fjaler (nestleiar)
Tore Jakob Madsen, Florø
Bjørn Aage Haugen, Innvik
Ellen Marie Njøs Lillesvangstu, Leikanger

VARAMEDLEMER

1. Leidulf Gloppestad, Gloppen
2. Kristin Hatledal, Stryn

Administrasjon:

Direktør Hallvard Klakegg
Fagsjef gåve og prosjektutvikling Pål Fidjestøl
IT-konsulent Ole-Kristian Apneseth



Styring og kontroll med stiftinga si verksemd

Strategi, rutinar og kontroll

Som langsiktig og dominerande eigar i Sparebanken Sogn og Fjordane forvaltar Sparebankstiftinga Sogn og Fjordane store verdier. Gjennom denne eigarrolla og ansvaret for utdeling av gåver til allmennytige formål har stiftinga eit stort samfunnsansvar. For å sikre eit godt omdømme har styret vedtatt styringsprinsipp som skal gi samfunnet, styresmakter og styrande organ trygghet for at stiftinga sine formål blir innfridd og at verdiane i stiftinga blir sikra for framtida.

Styret har utarbeidd ein grundig forvaltningsstrategi slik at stiftinga sine verdier blir forvalta på ein trygg og god måte. Forvaltningsstrategien fastset at det skal prioriterast å bygge reserve til framtidige kapitalutvidingar i Sparebanken Sogn og Fjordane. I tillegg skal det settast av reservar til gåvefond for å sikre kontinuitet i gåvetildelingane. Stiftinga sine kapitalreservar skal primært vere plassert i aktiva med låg risikoprofil.

Ansvarsfordelinga mellom styret og administrasjon, og reglar for rapportering til styret, er fastsett gjennom instruks for styret og dagleg leiar, prinsipp for styring og kontroll og rutine for risikostyring. I tillegg er det utarbeidd rutine for tenestekjøp, rutine for rekneskapsføring og rutine for gåvetildeling. Etterleving av desse rutinane er rapportert til styret saman med vurdering av internkontrollen. Det er sett i verk tiltak for forbetringar på område der det er påvist behov. Risikosituasjonen blir rapportert til styret periodisk.

Stiftinga kjøper på forretningsmessig grunnlag tenester frå Sparebanken Sogn og Fjordane. Dette omfattar i hovudsak tenester inn rekneskapsføring, HR og juridisk.

Openheit

Informasjon til banken og stiftinga sine interessegrupper om styrande organ, prosess for gåvetildeling og framtidige investeringar er viktige element i god styring av verksemda. Stiftinga har difor eiga nettside der informasjon om styrande organ, vedtekter, strategi, etiske retningslinjer, søknadsskjema for gåver, søknadsfristar og praktiske opplysningar til søkjarar blir lagt ut.

Liste over tildelte gåver er lagt ut på stiftinga sine heimesider. Opplysningar om stiftinga si investeringsportefølje vil også bli lagt ut.

Forvaltning og eigarskap

Stiftinga skal ha evigvarande drift som utgangspunkt for si kapitalforvaltning og skal ikkje investere i høgrisikoprodukt. Det skal også visast stor grad av aktsemd, for å unngå investeringar som utgjer ein risiko for medverknad til uetiske handlingar, krenking av menneske- og arbeidstakarrettar, korrupsjon og miljø-ødeleggingar.

Sparebankstiftinga Sogn og Fjordane er med sin dominerande eigardel Sparebanken Sogn og Fjordane si viktigaste kjelde til eigenkapital i vanskelege tider. Samtidig er utbytte frå banken Stiftinga si viktigaste inntektskjelde. Med dette som utgangspunkt vil styret og administrasjonen arbeide for eit godt samarbeid som bidrar til verdiskaping både for banken og Stifting. Stiftinga søker aktivt posisjonar i banken sine styrande organ, og er i dag representert i både generalforsamling og styret.

I konkrete saker vil Stiftinga, med utgangspunkt i egne vedtekter, støtte tiltak som gir eigenkapitalbevisa i Sparebanken Sogn og Fjordane god og stabil verdiutvikling og høg direkteavkastning i form av utbytte. Følgjande hovudprinsipp vil vere førande for oppfølging av Stiftinga sitt eigarskap i Sparebanken Sogn og Fjordane:

- Banken skal drive si verksemd i tråd med norske sparebanktradisjonar og verdier
- Banken skal ha hovudkontoret i Sogn og Fjordane
- Banken skal ha ein moderat risikoprofil og god balanse mellom bedrifts- og personmarknaden
- Banken skal ha finansielle mål og resultat på nivå med andre regionale sparebankar.

Etiske retningslinjer

Sparebankstiftinga Sogn og Fjordane er avhengig av høg tillit frå alle interessegrupper; søkerar av gåvemidlar, styresmakter, leverandørar og andre forretnings samband, tilsette og frå folk flest. Det må ikkje vere tvil om tillitsvalde og tilsette sin profesjonalitet og integritet.

Det er difor utarbeidd etiske reglar som inneheld generelle prinsipp for aktsemd ved utøving av arbeid eller verv for stiftinga. Reglane gjeld for medlemmer i styrande organ og alle tilsette.



Opplysninger om Sparebankstiftinga Sogn og Fjordane

Adresse: Langebruvegen 12
6800 Førde
Telefon: 57 82 97 00
Heimeside: www.sparebankstiftinga.no
Epostadresse: post@sparebankstiftinga.no
Føretaksnummer: 995 883 031

Kontaktpersonar:
Hallvard Klakegg
direktør
Tlf. 481 67 058

Pål Fidjestøl
Fagsjef gåve og prosjektutvikling
tlf. 911 58 009



This file is sealed with a digital signature.
The seal is a guarantee for the authenticity
of the document.

Document ID:
D29B977E1B9C444191B33C9AA38A2254